

Tsiengelen asken 2020 edtja aarhskuvleklasssem veeljedh

Tsiengelen asken 2020 dle bööremem åadtjoeh aarhskuvleklasssem veeljedh. Bööremen sisnie lienghke e-dienesjasse Staaren tjïelten webbesijjesne. E-dienesje rihpes tsiengelen asken 13 biejjien raajeste tsiengelen asken 26 biejjien raajan.

Datne e-legitimasjovnem daarpesjh

Datne e-legitimasjovnem jallh mobijlen bank-id:m daarpesjh ihke dov identiteetem vihtiestidh. Dov banke jallh Skaehtievierhke maahta datnem dejnie viehkiehtidh. Vielie biëvnesh gaavnh webbesijjesne www.e-legitimation.se

Giehtjh datne tjoerh e-påastesijjem e-dienesjen sïjse tjaeledh.

Akte åelie veeljemem darjoeh, mubpie jis veeljemem vihteste e-dienesjen sisnie.

Vaestiedimmie gusnie maana sijjem åadtjeme e-påastine jallh prievine båtata goevten minngiegietjesne.

Dïhte skuvle gusnie maana sijjem åadtjeme biëvnesetjåanghköse böörie gïjren 2020.

Dam skuvlem åadtjoem/åadtjome maam veeljeme?

Mijjïeh sijjem maanide vedtebe åeliej vaejtïelimmiej mietie gosse nuepie gååvnese. Jis gellie Leah sijjem veeljeme akte tjïelten skuvlijste jïh ij nuekies sijjïeh dellie dah sijjïeh juakasuvvieh prinsihpen tjïrrh mij gohtje relativje byjrese. Vielie biëvnesh Staaren tjïelten skuvlejoekedimmien bijre jïh guktie baakoem relativje byjrese guarkedh gaavnh mijjen webbesijjesne: www.ostersund.se/skolval

Frijjeskuvlh tjïeltesne jïjtjsh joekedimmieprinsihph utnieh. Skuvlem gaskesadth jis vielie biëvnese sïjhth.

Jis viehkiem daarpesjh

Jis ih daatorem utnieh jallh vielie viehkiem sïjhth veeljeminie aarhskuvleklassese dle datnem viehkiehtibie. Maahta viehkiem åadtjodh jis Kundjarngem gaskesadth:

- e-påaste: kundcenter@ostersund.se
- telefovne: 063-14 30 00.

Maahtah aaj Kundjarngem gussiehtidh maam gaavnh sijjesne Österäng, Förlandsgränd 1C. Vaeltieh id-tjirkemem meatan.

Vielie biëvnesh guktie aarhskuvleklasssem veeljedh gaavnh webbesijjesne: www.ostersund.se/skolval

